

ԵԿԵՂԵՅԱԿԱՆ ՔՐՈՆԻԿՈՆ

ԿԱԹՈՒԼԻԿ ԵԿԵՂԵՅԻ

Պրանսիայի Կէրման — Ֆէրրան քաղաքում տօնուեցաւ մայիսի 7-ին խաչակրութեան 800 ամեակը: Այս հանգիսին ներկայ են եղել 40 եպիսկոպոսութիւնք, որոնք զգեստաւորուած և Մալթայի ասպետների ուղեկցութեամբ եկեղեցական թափոր են կատարել: Փողոցներն ու տները զարդարուած են եղել տօնական ձևով: մայր եկեղեցին առանձնապէս զարդարել են խաչակրաց ժամանակուայ մնացած դրօշներով: Նշանաւոր քարոզիչ Հ. Մոնտսառէն է խօսել հանգիսական ճառը, որի մէջ նա այժմեան ֆրանսիային հրաւեր է կարգում Պետրոս Ամիննացու շաւղով ընթանալ և մի նոր խաչակրութիւն սկսելու ընդդէմ անհաւատութեան: Երբ ճառախօսըն աւարտեց իւր խօսքը, բոլոր եկեղեցին, եպիսկոպոսները, քահանայք և ժողովուրդ միաձայն ըսկրեցին գոչել խաչակիրների նշանաբանը. «*Dieu le veut! Dieu le veut.*» (Աստուած կամենում է այդ. Աստուած կամենում է այդ):

— Իտալական ազգային ժողովի (պառլամենտ) ընտրութիւններն սկսուել են և մեծ եռանդով շարունակուում են: Արդէն իսկ յաղթութիւնը Կրիսպիի նախարարութեան կողմն է, որ շատերը վերագրում են կաթոլիկների աջակցութեան, թէպէտ և Լեոն ժ.Գ. պապն էլ իւր նախորդի արգելքը կրկին նորոգեց: Ինչպէս յայտնի է Պիոս Թ. պապը մի յատուկ ընդհանրականով որ կոչուում է «*Non expedit*» արգելել է իտալացի կաթոլիկներին մասնակցել պառլամենտի ընտրութիւններին, բայց ինչպէս երևում է այդ արգելքը միայն ձևական է, որովհետև իտալացի ընտրողներից 70 տոկոս, մասնակցում են ընտրութիւններին:

— Աւստրա — Հունգարիայում վերջին ամիսներս մեծ աղմուկ հանեց պապի ներկայացուցչի, նուիրակ (nuntius) Ալիարդիի ընթացքը, որ խորհրդակցութիւն է ունեցել հունգարական եկեղեցու պետերի հետ նոր եկեղեցական օրէնքների առթիւ: Հունգարական նախարարութեան նախագահ Բանֆին բողոքեց այդ ընթացքի դէմ, որի հետևանքն եղաւ կայսերութեան արտաքին գործոց նախարարի կոմս Կալնոկու հրաժարուելն իւր պաշտօնից: Թէպէտ և լրագիրները հռչակեցին թէ Ալիարդին յետս պիտի կոչուի վատիկանի կողմից, սակայն վատիկանի բերան թերթերն հերքեցին այդ լուրը:

Հրաման ստանալով կառավարութիւնից վերջապէս գնացել է Հռոմ քահանայապետին իւր որդիական այցելութիւնն անելու:

ԲՈՂՈՒՄ ԿԱՆ ԵԿԵՂԵՅԻ

Ամերիկական Բիբլիական ընկերութեան գործունէութիւնը. — Ամերիկայի Բիբլիական ընկերութիւնը 140 շրջող գրաւաճառներ (kolporteur) ունի զանազան պետութիւնների և երկրների մէջ: Անցեալ տարուայ ինն ամսուայ ընթացքում նորա այցելել են մօտ 97 600 ընտանիք, որոնցից 9 600 կաթոլիկ էին: Նորա վաճառել կամ ընծայել են 75 694 կրօնական գրքեր, բացի Աստուածաշնչից, Թէ որքան անհրաժեշտ էին այդ այցելութիւնները և նոցա ժողովները, երևում է այն հանգամանքից, որ 4 462 ընտանիք Ս. Գիրք չունէին: Իսկ 20 089 ընտանիք ամենևին եկեղեցի չէին յաճախում:

Այդ ընկերութիւնը հիմնուել է 1816 թ. արդէն առաջուց 1809-ից կազմուած էին մի քանի մանր ընկերութիւնների, որոնք միանալով կազմեցին Ազգային Բիբլիական ընկերութիւնը, որի նպատակն է տարածել Ս. Գիրքը մաքուր և անաղձատ, առանց յաւելումների կամ նկատողութիւնների, ամէն լեզուով և բոլոր ազգերի մէջ, մանաւանդ Միացեալ Նահանգներում:

36 աշխարհական անձինք ընկերութեան ղեկավարներն են, կենդրոնն է Նիւ Եորք, 1853-ից ի վեր կառուցած հռչակաւոր վեց յարկանի գրատունը (Bibelhaus): Այս տեղ են տպարանները, կազմարանները, գրասենեակներն և ըն:

Այդ ընկերութիւնը 2 000 ծիւղեր ունի Միացեալ Նահանգներում: 21 սուպերինտենդենտ շրջող գրաւաճառների հետ այդ ընկերութեան պաշտօնական ներկայացուցիչներն են կազմում բոլոր Նահանգներում: Վերջին տարուայ ընթացքում բուն երկրի համար տպուած է 964 766 օր. Ս. Գիրք, զանազան լեզուներով, իսկ արտասահմանի համար 76 194 օր: Գորա վերայ պէտք է աւելացնել նաև ընկերութեան հաշուով և նորա գործակալների ձեռքով արտասահմանում տպուած 407 699 օր. ընկերութեան գործակալները տարածուած են Մեքսիկայում, կեդրոնական և հարաւային Ամերիկայում, Տաճկաստանում, Փոքր Ասիայում, Ասորիքում, Եգիպտոսում, Պարսկաստանում, Հնդկաստանում, Ճափոնիայում և Չինաստանում: Ամերիկական Բիբլիական ընկերութեան հրատարակած Ս. Գրքի կամ մասերի թիւը իւր գոյութեան օրերից մինչև այժմ է 58 374 430:

— Վարչաւի եպիսկոպոս գերապ. Պոպիէն

Քրիստոնէութեան տարածումը Ճափոնիայում. — Հետեւեալ թուերը ցոյց են տալիս թէ ինչպիսի արագ քայլերով է տածուում քրիստոնէութիւնը Ճափոնիայում: Միայն բողոքական միսիոնարների թիւը այր և կին 625 է: Համայնքների թիւը 634, որոնցից 91 բողոքովին անկախ են, իսկ 270 միայն մասամբ են օժանդակութիւն ստանում: Վերջին տարին մկրտուածների թիւն է 3,425 հասակաւոր և 675 մանուկ: Քրիստոնէութիւնը թողել են 925 հոգի և վախճանուել 419: Բոլոր բողոքական հատապետներ թիւն է 33,240: Աստուածաբանական դպրոցների թիւը քսան է, 350 ուսանողներով: Բնիկ քարոզիչների թիւը 258:

Ս. Գիւրջը Ճափոնական զօրքի մէջ. — Անգլիական և Ամերիկական Բիրլիական ընկերութիւնները ձեռք ձեռքի տուած գործում են հեռաւոր արեւելքում: Նոքա տասնեակ տարուց ի վեր Ճափոններէն մարտը թարգմանութեամբ տարածում էին Ս. Գիրքը ոչ միայն քաղաքներում այլ և գիւղական խրճիթներում: Վերջին 2ին—Ճափոնական պատերազմը թէպէտ փոքր ինչ շարժեց խաղաղ գործունէութեան ընթացքը, բայց մի և նոյն ժամանակ դորանով բողոքովին մի նոր ճանապարհ բացուեցաւ նոցա առաջ: Ծննդեան տօներին ամերիկական ընկերութեան գործաւորը Հիւսիսմայից գիմեց պատերազմի դաշտը: Նա կարողացաւ 1/2 ժամուայ ընթացքում 1,000 օրինակ Աւետարան տարածել զօրքի մէջ, երեք օրից յետոյ արդէն 4,000 օրինակ էր տարածուած: Մի բուզդոյական փորձեց արգելքներ յառաջացնել, բայց նկատելով որ դորանով կրակի վերայ նաւթ է լցնում ստիպուեցաւ յետ կենալ: Միկագոյի (կայսր) արքունիքի քարտուղարը, որ քրիստոնէայ է, 2,000 օր. նոր Ատակարան յանձնեց 2ինաստան ուղևորուող մի նաւի ղեկավարին: Այն տեղ զօրքի մէջ տարածելու համար: Յառաջգիմութիւնը մեծ է: Միսիոնարները իրաւունք ստացան նոյնպէս հիւանդանոցներում (զինուորական) Ս. Գիրք տարածելու: Տոկիոյի զօրաբանակի փոխ հրամանատարը իրաւունք տուեց իւր իշխանութեան տակ գտնուող գնդերի մէջ առանց արգելքի Ս. Գիրք տարածել: Սիրալիբ զօրապետը մինչև իսկ յանձնեց այն տեղերի ցուցակը, ուր գտնուում են իւր իշխանութեան տակ գտնուող գնդերը: Ամենից առաջ 1,000 օրինակ հիւանդներին և վիրաւորուածներին բաժանուեցաւ: որոնք աւելի միսիոնարութեան կարօտ էին, երբ ընկերութեան գործակալը երևում էր զօրքի մէջ, նորան շրջապատում էին զինուորները և խնդրում քարոզ խօսել, պատմել Ս. Գրքի բովանդակութեան մասին: Մինչև յունուարի վերջը

3,000 աւետարան է ցրուած զօրքի մէջ Ամերիկայի Բիրլիական ընկերութեան ձեռքով:

Պաստոր Ք. Բոդելշվինգը Անտոֆալիայի Բիլեֆիլդ քաղաքի մօտ գտնուած հռչակաւոր, քրիստոնէական հաստատութիւնների վերատեսուչն է և յայտնի իւր քրիստոնէական մեծամեծ ձեռնարկութիւններով, սա մտադիր է Անտոֆալիայի Հերֆորդ քաղաքում մասնաւոր նուիրարներութիւններով աստուածաբանական գիտութիւնների, պետական համալսարաններից անկախ, մի ֆակուլտետ բանալ, նպատակն է իւր հոգնաւորութեան տակ քրիստոնէական ոգով քահանայացուներ կրթել, դժգոհ լինելով պետական համալսարանների ազատ ուղղութիւնից: Սակայն այդ մտադրութիւնը մեծ հակառակութեան է հանդիպում ոչ միայն ազատ ուղղութեան ներկայացուցիչների կողմից, այլ նոյն իսկ իւր բարեկամների շրջանում:

Անտոֆալիայում մի ընկերութիւն է հիմնուած որի նպատակն է քահանաների և ուսուցիչների զաւակներին օգնել տնային, գիտական և գործնական կոչումներ ձգելով կատարելագործուելու:

Մի քանի ամիս առաջ Բերլինում առաջին անգամ «փրկութեան բանակ»-ի (Heilsarmee) կոնգրես եղաւ: Բանակի հրամանատար Booth—Tucker-ի տրուած տեղեկութիւնների համեմատ ամբողջ աշխարհում 11,000 փրկութեան օֆիցերներ կան, անցեալ տարի 250,000 նոր անդամներ է վաստակել, որոնցից 25,000 յայտնի արբեցողներ են եղել: 265 հաստատութիւն ունին, որոնցից 55 «փրկութեան տներ» (Rettungshäuser) անկեալ աղջիկների և կանանց համար, 40 ապաստանարան պատժից արձակուածների համար, 24 զրասենեակներ բանուորներին աշխատանք գտնելու համար, 6 գաղթավայրեր և այլն: Ծախս 1,460,000 մարկ, որից 1,400,000 իրենք են աշխատել, Սրանք 25,000 հնդիկ դարձի են բերել, 17 հեթանոսական տաճար յանձնուած է իրենց գործադրութեան:

Դա մի նոր շարժում է, որ սկիզբն է առել Անգլիայում և այն տեղից տարածուում է այժմ եւրոպական միւս երկրներում: Անունը արդէն ցոյց է տալիս նպատակը. փրկել անկեալներին, արբեցողներին, անբարոյականութեան զոհերին, նիւթապէս և բարոյապէս օժանդակ լինել կարօտեալներին: Գլխաւոր սկզբունքներից մէկն այն է, որ հէնց փրկուածները գործակից լինեն ուրիշների փրկութեան գործին, նպատակը սուրբ և համակրելի, սակայն մի քանի դէպքում չափազանցութեան մէջ են ընկնում և այդ օգտակար շաժումը փոքր ինչ միսախեական — աղանդաւոր կերպարանք է սկսում ստանալ: